

堅

瓠

集

堅瓠秘集序

堅瓠集者聖賢格物致知之學也理淆乎物一物不知引以爲恥故核其大不遺其小崇其正不廢其奇孔子考定六經以先王之道而黷羊之怪革

祥專車之骨肅慎之矢凡

之所不及者靡不博記而周

此無他格物者廣也褚子稼軒

其得聖人之遺意乎少而好學

至老彌篤搜羣書窮秘笈取經

史所未及載者條列枚舉其事

小而可悟乎大其事奇而不離  
乎正逐物求知各有原本其去  
莊周之寓言鄒衍之誕說遠矣  
其書自初集始累爲十集蒐羅  
略備更繼以續集廣集補集  
秘集又成焉夫天地間瑰

觀古今來奧渺之迹無不共

之於書日覽則日益歲求則

增亦曷有紀極哉稼軒窮幽索

隱之功與年俱積故見聞愈廣

蒐輯愈夥又安知芸閣雞林之

外名山石室之中不更有博物

君子所未經見之書可備采錄者乎其爲秘集也知又非卒業事也時

康熙庚辰仲春鶴樓老人尤侗撰



堅瓠秘集卷之一目錄

周公

宣聖

宣聖授曆

端木子

白牛廟

滅髭避難

漂雕子

書諭仲由

朱魏亭祭

劉豪墓

烏石山神女

遁甲神

馬郎婦

鴨欄木

高王經

淨面

夢示

仙女玩花

氤氲使

太歲

傳碑語

放榜神

廁神

坑三姑

雷神現形

雷神戲二儒

雷擊賊吏

東庫五通神

五雲山五通神

神告宰相



神起立

關聖廟

三丰異物

婚姻前定

參鼠

金華貓精

洞庭鼉

山魃

木客

山精

旁不肯

海蠻師

巨蟻

千里驢騾

馬生角

孔廩巨鼠

貓治鼠怪

應氏白犬

白獺神

廬陵石鹿

蕭山鬼怪

犬活死兒

鼠精

面具治怪

高麗寺

喻彌陀

杯渡

羅漢移居

蔣虎臣

晉水字

大佛頭

堅瓠秘集卷之一

長洲石農褚人獲學稼纂輯

周公

陸雲士先生次雲大有奇書道統開自堯  
舜傳及周公孔子故前代以周公爲先聖  
孔子爲先師四川文翁學堂爲周公禮殿  
唐貞觀時始專祀孔子而周公之祀遂廢  
大學衍義補謂耑祀孔而周無廟誠闕典

也惟雲南有周公廟以武侯征蠻夢見周公及渡瀘水祭狢神擒孟獲心服南人皆公教之故敕所在祀之愚謂堯舜禹湯文武君也周公相也相則在位與舉廢稷契相等惟孔子匹夫而爲百世師故特祀之周公正不必與之並祀也然孔子之後衍聖封公而周公之後無聞是亦缺典我皇上崇儒重道於康熙二十四年親謁孔

陵并訪周公之後得東野沛然於布衣之中爵之於朝并及二程夫子之後皆官以博士前代所未行者

聖天子舉而行之俾天下後世皆知以周情孔思爲歸所以垂教者大矣

### 宣聖

夫子之道中庸而已未若釋老之生而多異也然內典稱孔子爲童儒菩薩顏子爲

光淨菩薩溧水縣有童儒寺唐景福二年  
立以孔子適楚經此故也而道家真靈圖  
稱孔子爲太極真君顏子爲三辰司直是  
強將孔顏拉入二氏之中然夫子無異也  
而亦有異人之處如宋仁宗命宦者李邦  
寧釋奠風起燭滅鐵爐陷入地中明沙良  
著致誠修謁聞琴瑟絲竹之音自廟中出  
此非示人以神亦所以教後世也元歐陽

器虛能結氣爲嬰兒從頂上出時方丁祭  
弟子馬月林請器虛出神觀之凝神久久  
爲馬言曰余初至文廟見梓潼來省祭物  
省畢而去旣而王祭者獻爵讀祝時止見  
一道太素之氣自天而下貫入殿庭祭畢  
冉冉而上此浩然之氣至今存也

### 宣聖授曆

明大內設內書堂小內侍讀書處也師用

翰林五品爲之教法科條如鄉塾法嘉靖間有學生晝睡祭酒鎖之空室夜半聞呼殷聲云聖人到書生習見帝駕亦不爲異旣到非天子乃宣聖也書生跪曰某以愚鈍求聖人開示聖人曰有書可取來我親教之索案上止存大統曆日爲書生指誦一遍而去夫明書生向同學言之衆未信試令背曆終本不差遂大聰明過目成誦



端木子

順治乙未浙督學谷應泰於杭州勸金門  
外建子貢使越祠祠前有池池水輪漣中  
種芙蕖菡萏清芬可愛營廡嘗入浴於其  
中折殘花葉人莫能禁守祠者無可如何  
視之於神一時裸體水中者皆欲起而不  
能於是望空叩禱居人怪異爲代求之數  
人者方得出自此無敢過而褻慢矣○又

梁山志書院峽中有黃子崖子貢壩每當  
風雨卽聞讀書之聲

### 白牛廟

客窓涉筆河南有白牛廟最靈異其神牛  
首雙角崢嶸努目侈唇猙獰可畏廟側數  
十武外有一池祀之者先至祠禱迎之輒  
有暴風自池中起衝入廟中祭者欣然以  
爲神受其享崇禎時有邑令人祠訝之曰

焉有神而獸面者不肯拜左太曰慢神必有災令終不拜令里人車水涸池水竭無所見又令掘之數尺古碑出焉洗視之先賢冉伯牛墓六字也始悟白牛者伯牛之訛令爲易其像築其塋植其碑而釐正之池畔之暴風不作

滅髭避難

通幽賦注衛蒯瞶亂子羔滅髭衣婦人衣

逃出曰父子爭國吾何爲其間乎孔惺求  
之不得故免於難此避難而然殆學天子  
微服過宋之意王充論衡謂子貢滅鬚爲  
婦人未識何故豈傳柴子而訛於端木耶  
漆雕子

十六國春秋魯人有泛海而失津者於廬  
州見仲尼與七十子遊於海中漆雕氏授  
魯人一木杖令閉日乘之使歸告魯侯笑

城備寇魯人出海投杖水中乃龍也以告  
魯侯侯不信俄有飛燕數萬銜土培城侯  
異之大城曲阜而齊寇至不克而還

### 書論仲由

感遇集唐韓滉廉問浙西常有不軌之志  
時有李順夜漂船不知所止天明泊一山  
下上岸見一烏巾古服引詣一宮有人自  
簾中語曰有書寄金陵韓公順受之出門

因問贊者此爲何處曰東海廣桑山是魯國仲尼得道爲真官理於此韓公卽仲由性強夫子恐其綴刑網致書諭之順還授書韓發視之文九字皆科斗書不識訪能篆籀之人有一客龐眉古服自請言識古文韓公以書示之客曰此宣尼科斗文也曰告韓滉謹臣節勿妄動客出門不見韓了然自意克保終始

朱魏享祭

朱咸淳間蜀人彭澹軒罷官從江東歸游  
武夷山獨行林藪入草菴中見二人戴冠  
博帶對食招彭坐俎中豬首一羊肘一鷄  
一所言皆先天圖易傳性理之學元妙深  
奧問其姓字右坐者曰姓魏不言字問左  
坐者不答日暮餅出明日彭携僕挈榼再  
往無徑可達下山憇一富人家言其所以

富家曰異哉吾昨至朱文公祠致祭俎中之肴正此三物澹軒方悟左坐者爲朱晦翁而右坐者魏鶴山也此事載異聞總錄可補武夷山志之缺

劉豪墓

義烏東平山有朱平昌刺史劉豪墓隆慶戊辰長至日裔孫尙恭因重修墓碑掘地數尺見石臺臺上有一磚方尺許刻朱晦



菴卜墓數云天聖戊辰葬此丘蔭十八紀  
出公侯子子孫孫垂不替繩繩蟄蟄永無  
休五百四十一年損一十七歲裔孫修戊  
辰戊辰新一石重興重興于百秋秘書郎  
朱熹記按天聖戊辰至隆慶戊辰年數適  
符而是日長至又恰戊辰豪之後人有劉  
仕龍者在宋贈武節侯而尙恭修墓時果  
年十七文公之數亦奇矣劉之曾孫輝煒

皆文公門人故爲之卜而刻之墓

### 烏石山神女

湖海搜奇三山陳景著弱冠時元宵觀燈道逢女鬟執絳紗燈迎於道左景著惑之隨以往至城外烏石山頂神女廟有盛飾女郎候於廟門見而叱鬟曰此陳探花也何乃挈至此燈遂滅女亦不見陳驚眩仆地至曉始甦永樂乙未果探花及第

遁甲神

壺史錢塘戴厚甫精遁甲法其母寢起樓上一夕忽見紅光貫室開幃視之乃一美女獨立榻前援金釵以遺母旣而無所見母以語戴荅曰遁祭遁神遂至此耳遁母見其必不久於人間矣由是怏怏逾月而卒遁甲一云循甲言六甲循環推數故也

馬郎婦

感應傳元和十二年觀音菩薩大慈悲力  
欲化陝右示現爲美女人見其姿貌風韵  
欲求爲配女曰我亦欲有所歸但一夕能  
誦普門品者事之黎明徹誦者二十餘輩  
女曰女子一身豈能配衆可誦金剛經至  
旦通者猶十數人女復不允更授以法華  
經七卷約三日通至期獨馬氏子能通經  
女令具禮成婚馬氏迎之女曰適體中不

佳侯少安相見客未散而女死馬乃葬之  
數日有老僧杖錫詣馬氏問女所由馬氏  
引之葬所僧以杖撥之屍已化離黃金鎖  
子之骨存焉僧挑骨謂衆曰此聖者憫  
汝等障重故垂方便化汝耳宜善思因免  
隨苦海語訖飛空而去泉州蔡和尚贊曰  
手姿窈窕髮欹斜賺煞郎君念法華一把  
骨頭挑去後不知明月落誰家

鴨欄木

虎薈萬曆己丑閩中有雷法振居深山中  
以燒炭爲業家有鴨欄木頗佳法振偶念  
欲刻觀音大士像未果一日入山燒炭道  
遇猛虎勢將搏噬忽有美婦人當前叱虎  
虎卽懾伏叩首而退法振再拜稱謝因詢  
婦人姓名荅曰身是君家鴨欄木耳法振  
大悟遂命工雕刻終身奉祀不衰

# 高王經

感應傳東魏定州民孫敬德者事觀世音菩薩甚虔後爲橫賊誣引妄杖承罪夜夢僧教誦救苦觀音敬德誦之有司行刑刀三斫而三折監司具狀聞丞相高歡歡密扣其故爲表請免其死孫還家所奉觀音像項三刀痕因之稱高王經

淨面

繫年錄宋秀州春旱禱精嚴寺有驗重裝  
觀音像夏旱復禱郡守曾侯夢白衣夫人  
曰我固當爲此方致雨然面目不淨三十  
里外無所見不能與衆聖會奈何明日詰  
其由乃匠者欲聖容明潤用鷄子牛膠調  
粉故爾遂改新之隨禱卽應

### 夢示

說聽增紀嘉靖間荆王夢人云補我衣裳



當保佑王子孫王曰汝何物人曰但張目  
而視側耳而聽當自知之覺而不識所謂  
一日偶閱畫見觀音像頓悟神語曰張目  
而視非觀乎側耳而聽非音乎府旁有觀  
音閣王往視之棟宇毀壞塑像爲風雨剝  
落矣亟命修飾立碑記之

仙女玩花

康駢劇談元和中春物方妍車馬尋玩者

相繼忽有女年可十八七衣繡衣乘馬裁  
髻雙鬟容貌婉婉從以二女冠三小僕皆  
草頭黃衫端麗無比既下馬以羽扇障面  
直造花所異香芬馥聞於數十步外觀者  
以爲出自宮掖莫敢逼視竚立良久令小  
僕取花四枝將乘馬迴謂黃冠曰曩有玉  
峰之約此可以行時觀者見其舉轡有輕  
風擁塵望之已在半空方悟其爲仙也

氤氲使

清異錄朱起年踰弱冠姿韵爽逸伯氏虞  
部有女妓寵寵艷秀明慧起甚留意寵尤  
繫心奈館院各別無由會合起念之不置  
一日至郊外逢青巾短袍擔簦杖藥籃者  
熟視起曰郎君幸值貧道否則危矣起駭  
異下馬揖之青巾曰君有急直言吾能濟  
起再拜以寵寵事訴青巾歎曰世人陰陽

之契有繾綣司總統其長官號氤氲大使  
諸夙緣冥數當合者須鴛鴦牒下乃成雖  
伉儷之正婢妾之微買笑偷期仙凡交會  
華戎配合率由一道焉我今爲子祝之臨  
去籃中取一扇授起曰是名坤靈扇凡訪  
寵寵以扇自蔽其面人皆不見自此七日  
外可合合十五年而絕起如戒往來無阻  
後十五年寵寵疫病而殂青巾蓋仙也

# 太歲

睽車志平江黃埭張虞部爲人質直每有  
興築不選日時嘗作一亭掘地得一肉塊  
俗謂太歲神張不爲異命取瓦盆合而送  
之水中就基而創名曰太歲亭又有客到  
命取衣冠俄而犬首頂其冠束帶於背以  
出張笑謂之曰養汝幾年今日始解人意  
就取服之乃出揖客客退而犬自斃諺云

見怪不怪其怪自敗殆謂是與

傳碑語

鈎卒雲南嚴清父用和爲醫生一日其隣人死三日復甦語人云至一大第宅有穹碑主者令記碑上語傳示人聞語曰醫生嚴用和施藥陰功多自壽添一紀養子登高科誦畢遂瞑已而清生嘉靖甲辰弱冠登第萬曆初爲家宰

放榜神

閤然錄隆慶庚午浙士諸葛一鳴讀書枕  
城外大寺當盛暑偶於佛殿斷藕自食見  
金甲戎服人自內出大驚以爲武官其人  
曰我乃天帝遣放秋榜者諸葛問榜有某  
名乎其人曰汝名在來科今未也諸葛懇  
請其人曰今所與相較一卷本係汝親且  
能遲三年更爲汝福因懇請不已乃諾之

遂與約曰揭曉之朝卽焚紙錢十萬以謝  
慎勿負約再四丁寧而去時諸葛試卷在  
備列與其卷相比猶未定御史夢人語云  
一鳴中一鳴中適睹諸葛名與夢合遂錄  
之旣揭榜諸葛忘前約晚始覺將以明曉  
焚紙錢而夜夢前金裝者披髮身血淋漓  
倉皇指諸葛罵曰爾何爽約害我我當報  
爾憤憤去明春會試諸葛以懷挾荷校棘



門前其懿親某浙省來科造中其名數云

廁神

祿光錄天台有民王某常祭廁神一日至其所見着黃衣女子云某廁神也君聞蟻蟻言否民曰不聞遂於懷中取小盒子以指點少膏如口脂塗民右耳下戒之曰或見蟻子群聚側耳聽之必有所得民明且見柱礎下群蟻紛紛聽之果聞相語云移

穴去煖處傍有問之何故云其下有寶甚  
寒住不安民伺蟻出尋之獲白金十錠

坑三姑

異苑載坑三姑之神姓何名媚字麗卿萊  
陽人壽陽李景納爲妾其妻妬之於正月  
十五日陰殺之廁中天帝憐之封爲廁神  
俗傳是日結草爲形以祭之占一年蠶禾  
之事必驗○雜五行書廁神曰後帝

雷神現形

揮塵新談澧州一日大雨震雷將一人家  
屋柱劈碎舉家驚怖間忽見雷神入舍形  
似烏鴉高二三尺許兩足行地兩翅下有  
二手下垂行遍屋內燒一斗一秤升屋至  
空中方發迅雷一聲又抽菴雜組康熙中  
杭州官塘岸有毒蛇雷神將擊之忽逢產  
婦在河邊洗穢衣遂不能擊伏於岸旁大

於獼猴形似蝙蝠其婦驚駭而去土人始  
不敢近視旣而寂然不動乃以物撥之見  
其翅下有手聞於縣令呼道士祈禳道士  
命置七缸缸按七星各滿貯香水施符設  
法凡一晝夜雷神始躍入於缸七缸浴遍  
騰空發聲而去

雷神戲二儒

墨池浪語二老儒途行遇雨避一老嫗家

雷電方迅二儒因劇談雷爲天地之氣搏  
擊發聲雷斧雷神事之必無姬起點茶供  
之忽霹靂一聲二儒不見姬訝曰天雨若  
此胡爲去耶二儒乃在櫃中叫姬姬曰櫃  
固鎖也二位敢錢眼中鑽入耶二儒曰吾  
亦不知忽有人寘我於此始悟雷之有神  
怒吾輩狂談耳老姬啓櫃則見二儒之髮  
彼此莖莖相結倏忽所成不亦巧乎

雷擊賊吏

吳中往哲記成化中吾郡朝真宮道士吳允中善符咒術嘗驅蝗治妖隨禱輒應郡守命於平妙觀禱雨允中隸墨藩則雲合以楊枝灑水則雨至以胡桃擲空中雷電隨所向而作頃間積水三尺時官吏立雨中不敢退避允中大呼雷神有濫賊者請擊之雷火繞庭官吏有失措仆地者

東庫五通神

武林聞見錄宋嘉泰中大理寺斷一大辟  
決數日矣一日有叩獄吏門者出視之卽  
所決囚也驚問曰爾爲何得至此囚曰某  
死無憾但有一事相浼泰和樓五通神皆  
某等輩近一他適見虛其位某欲充之因  
無執憑求一差檄明言差某充某位神得  
此爲據可矣吏不得已許之囚又出銀一

笏煩製靴帽袍帶之屬言訖而去吏不敢  
泄其事乃爲書牒一道製靴帽袍帶候中  
夜焚之次日夢有騶從若王者下車致謝  
經數月邂逅東庫中樓上五通神日夜喧  
鬧知庸人不得安息酒客亦不敢登飲例  
課甚虧無可奈何獄吏遂以向所遇密告  
之吏曰此必前所云他遣鬼已歸耳乃相  
與增塑一像夜遂安妥如初



# 五雲山五通神

北墅手述崇禎癸未時當重九有數書生  
約登杭州五雲山以作龍山之會賈勇而  
上休息廟中時未及午廟祀五通神一生  
戲拈神筮卜曰我輩今日得入城否筮語  
示以不能書生睨視皆大笑曰何神之  
有靈刻尚未午而曰我輩不得歸耶隨步  
下至一溪頭見雙鯽游泳迴異凡魚書生

共下捕之或遠或近或潛或躍或入手中  
潑刺又去書生期以必得脫衣作網良久  
得之貫以柳枝携出山麓至南屏酒家則  
月上東山禁門扃鑰矣命童子烹魚取醉  
童子謂魚游釜中久之不熟命童子添薪  
益火其游如故又加踴躍有碎釜聲書生  
急往視之儼然魚也取出乃木筮耳因共  
驚悔越旦歸筮廟中以牲醴禱神而去

神告宰相

游覽志台州謝深甫家本寒微父母貧春  
以食某招深甫教子一夕賓主對飲夜半  
酒渴無從得水庭前有梨方熟遂登樹啖  
之群犬環吠深甫不敢下主人夢黑龍蟠  
樹上爲大所吠而覺開戶視之見樹上有  
黑影訶問之深甫曰我也主人逐犬深甫  
下主奇之遂妻以女後領鄉薦草履赴省

至曹娥渡與渡子錢嫌少不渡反詈之深甫乃從他渡至嵯縣宿古廟中祝遇之厚又飲以酒深甫誄之祝曰夜夢神告我明日有宰相來宿今日惟官人至深甫焚香祝曰若成名當使廟貌一新是年果登第遂修廟宇後爲浙漕至曹娥渡渡子伏地請罪深甫笑而遣之曰我不汝罪今後台州秀才往來勿取渡錢也

神起立

都元敬談纂四川合江李實微時過其鄉  
土地祠見像起立心竊怪之歸告其母欲  
碎其像母止之神忽托夢於人云李秀才  
過吾故之起立彼不知乃欲碎我微其母  
吾不免矣爲吾致謝李後醉過其祠事像  
背曰此神無禮令送鄧都鄉人復夢神泣  
告曰李秀才將送我鄧都煩急求救於其

母鄉人往告母命滌之景泰初果至左都

關聖廟

南京十廟將成刻期祭告矣高皇夢一人  
頰面綠衣手持巨刀跪謂曰臣漢壽亭侯  
關羽也陛下立廟何獨遺臣上曰卿於國  
無功故不及神曰陛下鄱陽之戰臣數險  
兵十萬爲助何謂無功上乃領之神去明  
早命工部別立一廟於旁限三日而成

# 三丰異物

白醉璵言張三丰在甘州留三物於觀中  
一爲簑笠一爲藥葫蘆人有疾者或取一  
草投其中明旦煎湯飲之疾立愈其三爲  
八仙過海圖中有壽字有都指揮斜之懸  
於堂未以爲奇一夕有親故假宿聞海濤  
洶湧聲以爲黑河壩倒明旦告於主人主  
人怪而物色之始知其聲從圖出也後皆

爲中貴取去

婚姻前定

夷堅志林聰字審禮在太學晝寢夢一美女告曰我西京孟檢法女花不如也君異日登科當在洛願無他聘林覺而志之大觀三年擢第果調河南尉以事至天女寺與老尼語因問此地有孟檢法乎尼曰有問有女乎曰一女號花不如近已嫁矣林



驚異默茹後時之恨女未嫁時亦夢男子  
曰我林審禮也願婚之女覺不曉所謂亦  
不知林之有夢也數日女夫死林知之通  
媒結信俛女除服始成禮他日各言所夢  
始知爲前定云○完顏亮妃亦號花不如

### 參鼠

杭州錢參政處和好餌鼠每食輒貯餘粒  
三擊盆則群鼠僂僂而至食訖乃去泊遷

政府及帥越師閩以至掛冠歸里鼠至如初迫錢亡乃不見吾蘇張氏居都憲行臺之東日聚群鼠觀者紛至輒投以錢家貧賴以稍裕後有無賴懷一猫以往群鼠應呼而出擲之以猫啖其一二餘俱驚避後竟不出張氏衣食絕焉近日京都菜市口熟麪店中壁間畜鼠欲觀者店小二以筯擊桌尔群出啖以瓜子胡桃食畢卽去

金華貓精

說聽金華猫畜之三年後每於中宵蹲踞  
屋土伸口對月吸其精華入而成怪入深  
山幽谷朝伏匿暮出魅人逢婦則變美男  
逢男則變美女每至人家先溺於水中人  
飲之則莫見其形凡遇怪者來時如人日  
久成疾夜以青衣覆被土遲明視之若有  
毛必潛約獵徒帝數大至家捕猫剝皮炙

肉以食病者方愈若男病而獲雄女病而獲雌則不治矣府庠張廣文有女年十八殊色也爲怪所侵髮盡落後捕雄貓始瘳

### 洞庭鼃

獨異志燉煌李鵠聞元中爲邵州刺史挈家之任渡洞庭時晴明登岸因鼻衄血江上爲江鼃所舐俄然復生一鵠與之無異鵠之本身爲鼃法所制繫於水中其家奉

鼉妖就仕爲郡幾數年因天下大旱道士  
葉靜能自羅浮赴詔過湖見沙中一人面  
縛困頓問之鴈以狀對靜能書符帖巨石  
上石卽飛起空中鼉妖方擁案判事爲巨  
石所壓乃復本身時張說爲岳州刺史具  
奏并以舟楫送鴈赴郡家人妻子乃信今  
舟行者戒不瀝血於波中以此故也

山魃

白醉璵言廣東山僻處有山魃牛是鬼牛  
是人能隱能顯止一手一足必兩人相幫  
然後能行亦租民田耕種至秋收田主必  
分半與之若多占升斗能向其家作樂其  
婦女好施脂粉客或於彼投宿稱爲山姑  
送與脂粉其婦乃喜恣與飲食不苦索值  
又善伏虎虎至婦輒批其耳掌其面曰斑  
子斑子勿驚吾客虎卽帖然搖尾而去

木客

花月新聞贛州興國上洛山有木客形頗  
似人自言秦時造阿房宮采木者食木實  
得不死能詩時就人間飲酒此近乎仙者  
也有客靜夜彈琴有一人時來就聽每夜  
聞琴必至客疑之中宵出其不意忽以衽  
罩其首急取火炙其面其人強掙而脫天  
曉尋之見一老桑如人樹頭有炙焦痕伐

其株血濡縷出此近乎怪者也

### 山精

抱朴子山精如人茸毛在面山海經之說也又聞形如小兒獨足足向後名曰蚺或來犯人呼其名卽却又名超空可兼呼之又云山精如鼓赤色一足名曰獬又云一種長九尺衣裘戴笠宛然如人名曰金累

勞不肯



史冊拾遺元豐中慶州界內生一種蟲名  
子方秋田之際害稼殆盡忽又生一種蟲  
名曰旁不肯形如土狗喙上有鉗湧地而  
出遇子方蟲以鉗鑷之悉爲兩段旬日子  
方蟲皆盡歲得大稔忽災忽祥亦異事也

海蠻師

嘉祐中海州漁人獲一物魚身而首如虎  
亦作虎文有兩短足在肩指爪皆虎也長

八九尺見人則淚下有父老識之曰此之  
謂海蠻師昔曾見之又北宋之末有一漁  
人獲一能歌之魚名曰海多皆異物也

### 巨蟻

萬曆中馬緒謫潮州得巨蟻長尺餘鹽漬  
之歸誇北人見紫桃軒雜綴余舅氏王漆  
園於廣中見一螞蟻如猫大以小練繫之  
爲戲具錄之以資博識

千里驢騾

湖海搜奇陝西民家畜一驢其婿借乘遠  
道踰時往近百里如飛婿心愛之翁問歸  
何早婿詭云驢劣行十里卽卧不肯起因  
率之歸乃誤我往返耳翁信而憎其驢殺  
而烹之婿聞急止之曰我戲也然驢已皮  
矣惋恨良久取其腹視腰有六腎蓋千里  
驢也翁怒而絕其婿又一人嘗省親山東

親家以一騾至時日暮道遠恐其不達主人曰此千里騾也倏忽抵其家

### 馬生角

湖海搜奇萬曆辛丑麻城盧之孔之子科兒往沔陽販馬見彼地有一紫色騾馬頭生二角長二寸餘色如象牙而紋理亦如之鄉約報鄭州同鄭惡其多事責鄉約而不問馬科兒用價五金買來中途遇人盤

詰多方求解始得抵家

### 孔廩巨鼠

湖海搜奇衍聖公廩廩中有巨鼠爲暴狸  
奴被啖者不可勝數一日有西商携一貓  
至形亦如常索價五十金曰保爲公殺此  
公不信商曰要文契而縱之曰免則受金  
公乃聽之貓入廩穴米自覆而露其喙鼠  
行其旁嗅之貓躍起嚙其喉鼠哀鳴跳躍

上下於梁者數十度貓持之愈力遂斷其  
喉貓亦力盡俱斃明旦驗視鼠重三十餘  
觔公乃如約酬商

貓治鼠怪

塩城令張雲在任養一貓甚喜及行取御  
史帶之同行至一察院素多鬼魅人不敢  
入雲必進宿夜二鼓有白衣人向張求宿  
被貓一口咬死視之乃一白鼠怪遂絕

應氏白犬

湖海搜奇縉雲應某夜無故大門自啓到  
曉復合而拴不上應翁疑之至夕潛伺見  
家白大人行至門舉前兩足如拱手狀門  
拴自墜翁尾之行至一池中浴浴畢向月  
百拜口嗚嗚作聲儼若人能應翁潛返不  
言犬入以喙扃其扉以足扶拴拴不能起  
乃已明夜應翁操杖匿扉旁俟犬方立而

力  
力  
三  
揖力杖殺之剖其腹腸中得草一莖如薺  
緯鮮翠如生或云是仙草也

白獺神

揮塵新譚江陰陸九齡屋旁有石鋪一座  
乃先世以備旱潦者歲久傾圯其祖欲修  
築之計工石次夢一白衣老人謂曰託身  
鋪下有年矣公勿修葺葺則妨我祖覺而  
不信然終不能動其石而止後父復欲修



葺亦夢白衣老人曰公幸止工否則勞而無益父曰吾必不汝從然汝何人而棲於此乃以指書几上曰我白獺神也覺而笑曰劉黑闥尙爲唐太宗所滅况白獺耶決意爲之拆其石將盡獨下二石百人不能拽乃已後人每見白衣翁往來岸上或作大木浮出水面云

廬陵石鹿

白醉璫言廬陵縣每歲夏秋有鹿夜出至縣衙觸物成聲逐之輒失所在推官蔡任遠攝縣事方納涼舉盃鹿以角翻其几案而去蔡問何人所蓄吏言此物爲怪二十餘年不知所棲止蔡心異之一日闔庫藏見土地神案下一石鹿大如貓血乾漬其身寸許蓋祭土神卽割雞血以瀝之也蔡悟以鐵錐碎而粉之血流如泉怪遂止

蕭山鬼督

蕭山城樓下瞰邑學有魅出没人不敢登  
魏文靖公驥爲諸生時與同學決賭吾能  
宿此無恙諸公醵金若干爲我壽諸士許  
之公攜衾褥茶燭而登月朗朗讀周易諸  
士潛於齋中覘望之二鼓呵殿聲自南來  
一青面鬼首雙角坐肩輿冠服甚異從者  
百人去樓數十武鬼卒窺見白云魏何書

在此魅似不悅云家去折輿而北自女墻  
下投周氏而息諸士怖甚掩關不敢喘氣  
公安寢達旦告諸生以魅狀諸士敬服各  
出金爲贈公潛訪周氏周素欽其名延坐  
設食徐問君家所事何神周感額曰小女  
年及笄爲妖神所據昨云今夕與大王成  
婚要具花燭無如之何公曰我能治之然  
何以爲謝周曰君誠能驅祟當以小女侍

巾櫛公請女出房索筆硯書其衾云魏尚  
書夫人周氏書訖而去至夕魅復自城而  
下車馬雜沓烜麗莫比堂中陳設甚盛魅  
見女握手交語請丈人丈母相見翁媼不  
得已拜延入席傳觴款語了不畏人宴畢  
携女入室手揭羅幃見衾上七字大驚一  
卒前白曰午間老賊以女許魏尚書矣魅  
歎叱登輿而去女自爾恍如夢醒旣而魏

來周迎入爲治裝擇日以女配之後仕至  
南京吏部尙書其女封二品夫人

### 犬活死兒

白醉璫言南京水西門外王寶石家偶來  
一大黑犬逐之不去又非止隣物也數日  
後清晨時行人以擔荷一小棺過犬躍起  
嚙其手棺墜地遂破其中嬰兒甦矣行人  
聚觀犬忽不見是犬來專爲活此兒也

鼠精

白醉璫言臨江李鏊性勇不畏鬼物嘉靖  
初薄遊湖口人延訓子而所居湫隘北有  
高樓封鎖甚固問主人曰何不假館主人  
曰此爲妖物所據不可居鏊曰吾不懼主  
人不得已啓其鎖以入塵埃積寸鏊汎掃  
供張爲久居計時生徒十餘人童冠雜坐  
日暮散去鏊坐至更餘卷衣假寐懷挺以

侯之忽樓階有人行聲少選一神步人樓  
中端坐鑒視其狀頂金幘衣絳紗執象笏  
垂髯及腹面色獐惡若世所塑城隍神者  
見鑒欣笑舉笏抑揚如舞狀冉冉至床前  
以鼻向鑒左耳一吹左耳忽聾鑒念倘更  
遲留定遭虜死侯其漸近舉挺盡力擊之  
中其腰有聲啣然而去鑒起呼主人曰汝  
促索仗來吾與汝縛怪便共踪跡樓下至



北廊垣曲有一穴大如斗鋤鍾掘之深三尺許得死牡鼠一頭毛作赤色髯長尺許秤之重七斤剥其皮腰有凝血知中其要害故僅能入穴而死

面具治怪

湖海搜奇金陵有人擔面具出售卽俗所謂鬼臉子者行至中途遇雨沾濕借宿大姓庄居庄下不納權卧門簷下中夜不寐

面具經雨將壞乃拾薪爇火以燻首戴一  
枚兩手及兩膝各冒其一以近燎三更許  
見一黑大漢且前且却某大聲叱之黑漢  
前跪曰我黑魚精也家在此里許水塘中  
與主人女有情每夕來往不意有犯尊神  
恕責其人叱之速去明旦告主人以所見  
某小女果病祟不安遂竭塘漁之得烏鯉  
重百餘觔乃斃而擔之歸

# 高麗寺

北墅手迹高麗寺者高麗國王爲其世子  
所建宋神宗時國王祈嗣於佛得一子晝  
夜啼哭惟聞木魚聲則暫止一日有聲自  
空中來王命尋聲所自起愈尋愈遠渡海  
而南得之武林鏡湖之畔一僧端坐按節  
擊魚使者敬禮僧前請涉朝鮮以療世子  
僧曰世子云何使告以故且言臂間有佛

無靈字僧曰異哉爲爾往視渡海見王王  
出世子僧合掌作禮世子笑而受之王異  
之問故僧曰此吾師也先爲輿夫肩輿得  
金自給外以餘貲投井積久出金建刹湖  
上遂爲釋吾欽其德爲之徒吾師一年而  
跛明年盲三年爲雷擊以死吾深不平因  
濡筆題佛無靈字於其臂孰意今生於此  
王曰審如是佛有靈矣安知非夙世之孽

併報於一世而後償其善果乎因建寺於其舊地頽曰高麗且進金塔以表奇

喻彌陀

北墅手述喻彌陀居杭州妙行寺精於畫佛凡畫佛先靜坐凝想忽現佛光大如明鏡僧俗同見自是筆愈有神客問何不去泰禪喻曰生平只解畫彌陀不解泰禪可奈何幸有五湖風月在太平何用動干戈

方臘之亂殺戮最慘忽犯錢塘師造其前  
請以身代一城之命賊爲感化其鋒少戢

### 杯渡

梵志杯渡和尚嘗乘木杯渡水攜杯至岸  
數人舉之不能動窺其中有四小兒鎮之  
乃四天王也見漁人得魚乞其放生不許  
取兩石子擲水中俄有二牛相鬪網悉破  
碎不復見牛漁人悵然而悔

羅漢移居

湖壩雜記康熙元年淨慈寺羅漢堂將災  
先一夜五鼓殘月在天行人有自西山來  
者見紛紛衲子相皆奇偉約有數百皆肩  
負瓢團持拐杖拂行人怪之問其何自曰  
淨慈向靈隱討卑駐足翼日羅漢堂焚始  
知其所見者乃五百應真云

蔣虎臣

金沙蔣虎臣先生超生時父夢一僧言由  
峨眉山來竟入內驚寤頃之夫人舉一子  
名之曰峨眉兒順治丁亥登進士第三人  
生平喜跣趺而坐後督順天學政報滿即  
以病辭弗復歸里抵蜀至峨眉留憩伏虎  
寺中後室久局不啓僧云本寺一古德居  
此臨逝云五十年後重來啓此公知是前  
身啓之宛然若一也遂禪定於斯康熙癸



丑三月無疾端坐而逝留一詩云倏然猿  
鶴自相親老衲無端墮業塵曾向鑊湯能  
避熱那從大海去翻身功名傀儡塲中物  
妻子骷髏堆裏人只有君親難報答生生  
長是祝能仁開關閉關又一王守仁也

晉水字

宋晉水法師寫華嚴經於烏戍天爲雨華  
飄墜高麗國中其花每瓣有晉水二字國

王遣人尋訪得之深爲歎異因構寶華閣  
元時湮沒天啓二年有僧道琳搜其址結  
菴名古華嚴菴陳眉公爲作記

### 大佛頭

西湖大佛頭乃宋高宗時沙門思淨所鑄  
思淨俗姓喻工畫佛像號喻彌陀大佛之  
石本在江濱相傳爲秦始皇纜船石後因  
潮落遂顯湖山之蹟